



তথ্যবিবরণী

নম্বর-২৫

রাষ্ট্রীয় মর্যাদায় রাজশাহীতে শায়িত হলেন ফ্লাইট লেফটেন্যান্ট তৌকির ইসলাম

রাজশাহী, ০৭ শ্রাবণ (২২ জুলাই):

রাজধানীর উত্তরায় মাইলস্টোন স্কুল অ্যান্ড কলেজে বিধ্বস্ত হওয়া প্রশিক্ষণ বিমানের পাইলট ফ্লাইট লেফটেন্যান্ট তৌকির ইসলামকে রাষ্ট্রীয় মর্যাদায় রাজশাহী সপুরা কবরস্থানে সমাহিত করা হয়েছে। আজ (২২ জুলাই) ঢাকা সেনানিবাসে প্রথম জানাজা শেষে বেলা ৩টায় মরহুমকে নিয়ে একটি বিশেষ হেলিকপ্টার রাজশাহী ক্যান্টনমেন্টে অবতরণ করে। সেখান থেকে কিছু সময়ের জন্য তাকে তাঁর নিজ বাসভবনে নেওয়া হয়। পরে বেলা ৪টা ২৪ মিনিটে রাজশাহী মুক্তিযুদ্ধ স্মৃতি স্টেডিয়ামে অনুষ্ঠিত হয় তাঁর দ্বিতীয় জানাজা।

পাইলট তৌকিরের দ্বিতীয় জানাজায় রাজশাহী বিভাগীয় কমিশনার খোন্দকার আজিম আহমেদ, আরএমপি কমিশনার মোহাম্মদ আবু সুফিয়ান, বিভিন্ন বাহিনীর পদস্থ কর্মকর্তাবৃন্দ, স্থানীয় রাজনৈতিক নেতৃবৃন্দ, মরহুমের স্বজন এবং সর্বস্তরের জনগণ অংশগ্রহণ করেন। জানাজা শেষে রাষ্ট্রীয় আনুষ্ঠানিকতা সম্পন্ন করে মরহুমকে সপুরা কবরস্থানে দাফন করা হয়। দাফন শেষে মরহুমের আত্মার মাগফেরাত কামনায় দোয়া করা হয়।

.....
রুহুল/তৌহিদ/আতিক/স্মিতা/হালিম/২০২৫/১৮:০০ঘ